

Roland Jores die Schanz ben Sutphen dem Spanischen Obristen Taxis vberliefert: Als seind die general Staden mit ohne Ursach in grosses Mißtrauē vnd Furcht gerahet/ es möchtē vielleicht alle andere Englische mit den Stätten vnd Bestungen do sie in Besatzung lagē/ dasselbige fürnehmen vnd ins werck richten/wie dann die Fransosen zum zeitē des Herzogen von Allenzon auch dergleichen im sin gehabt/ vnd auff einen bestimpten Tag zu verrichten gesint gewesen. Als sie nū in irer samptlichen versamlūg in dē Hag sich berathschlacht / haben sie endlich den 6. Februarij sich einer dapfferen Resolution verglichen vnd entschlossen/ vn der elbē zu folg / krafft habender Souuerainitet vnd obriste gewalts/ Graf Moriken von Nassaw neben der Admirallschafft vnd Sub erhanament vber Holland zum general gubernator in abwesen des Graffens vō Lencyester / provisionaliter erklärt vnd angenommē/ mit Instruction vnd beselch/ die Hoheit/ Rechten/ Priuilegiē vnd wolstandt der Landschafften vn dero Inwohner sampt vn besonder/ desgleichen die Übung der Reformirten Religion Handzuhaben/ zu beschükē vnd zubefürdern/ Recht/ vnd gerechtigkeit meniglich / mit Raht vn gutdüncken der Presidenten vnd Raht/ widersfahrē zu lassen Bürgermeister / Raht vnd Scheffen ab vnd anzusetzen/ In summa alles zu thun was ein general Gubernator vō alters her zu thun macht gehabt: im aber/ wie oben gerürt/ wegen seiner Jugendt/ Graff Philippen von Hohenlo zum Leutenant gegeben.

Haben also kurtzlich angezeigt / wan vnd welcher gestalt sein Prinsliche Excellentie zur Regierung der Niderlendischen Prouinsien komen: nu ist es an dem dz wir folgens die Victorien vn herrliche Thare/ so dieser Held durch die hülff Gottes volbracht/ ausführlich beschreiben.

Gras